

Государственное бюджетное общеобразовательное учреждение

«СОШ№28 с.п.Южное»

Согласовано

Зам.директора по УВР

_____ **А.М.Мальсагова**

«___»_____2021

Утверждаю

Директор школы

_____ **М.Б.Гатиева**

«___»_____2021

Рабочая программа по родной (ингушской) литературе

В 1-4 классах

на 2021-2022 учебный год

Г1алг1ай метта дешара балха программа

1 класса 2021-2022 дешара шера.

Г1алг1ай метта дешара программа оттаяь Г1алг1ай республика Минобразоване могаьча балха программага хьежжа, ишколан базисни дешара планага йилла. Программа нийсьяь 1 класса дешархой кийчбаь хила безача боарамга хьежжа, сакхетам лакхбара боарамга хьежжа.

Программа ювзаяь я Россе Федераци 1илман образовани Министерства приказаца 06.10.2009 № 373 "Федеральни 1аьдала образовательни стандарт юххьанцара юкьара образованена юкьейоалаяра а ч1оаг1ьяра а", иштта Россе Федераци базисни дешара планага хьежжа, Россе Федераци образоване Миннистерство ч1оаг1даьча приказаца «от 9 марта 2004 г. №1312 реализующих программы общего образования» (в ред. Приказов Минобрнауки России от 20.08.2008 №241, от 241, от 30.08.2010 №889 , от 03.06.2011 №1994, от 01.02.2012 №74).

Балха программа оттаяь Г1алг1ай Республика Министерство могадаьча «Абат» яхача дешара книжка чулоацамах. Отгадаьраш: Тиминаькьан Заули Зарахмет, Шадинаькьан Арсамака Султан-тоадаь 6 арахийца, Магас, издательство «Сердало» 2010, 144 оаг1о.

Д1акхетора каьхат.

Юххьанцарча ишколе д1адолалу бера дешар, шерлу цун гонахьарча вахарца йола юкь-мортигаш, хувцалу юкьара дарж а, ше шийна вовзийта эшаш хилар а совдоал. Т1аккха дерригача а дешара бух хьахул юххьанцарча ишколе. Г1алг1ай метто, кхыча предметаша санна, метта 1илма даькье ший ма1анца а йоккха моттиг д1алоац. Цун дешарца а кхетамца а доккха ма1ан да.

Метта, йоазон а кьамаьла хоамаш карадерзарца дешархой торо хул кхыйола дешара предметаш 1омае, цунца цхьана гонахьарча вахарах долчок шоашта ховр шерде.

Ишкола хьалха латта декхараш кхоачашдара 1алаьмате доккха ма1ан да наьна метта, х1ана аьлча, ишколо болх цу метте д1аболабарца караерзаю бери дахарца гульяь а наьна метта белгалйоалаш йола хьаькьала хозал, дуненах лаьца бола берий кхетам алсам а боаккх, уж г1улакх долаш, эзде болаш кхебу, царна дешар 1омадарал совг1а деррига а декхараш кхоачашду.

Алапаш 1омаделехьа йолча юкьа г1алг1ай мотт хьехара кертера декхар да кьамаьла, г1улакха цхьадола тайпаш 1омадар (кьамаьлага ладувг1ар, цунах кхетар; йистхила 1омадар; дешар, язде хар).

Цунца цхьана кхыйолча дешара предметий санна, г1алг1ай метто юххьанцарча даькье кхоачашде деза цхьадола маьха юкьара г1улакхаш да:

- дешархой 1аламах а 1илмах а юххьанцара кхетам кхебар;
- * логически уйла е кхедар;
- * кьахьегам а, цунца цхьана дешара а бола ло1ам кхебар;
- * лакхарча классашка дешара эшача оамалашка хьежжа, деша бераш кийчдар;
- * гонахьара вахарца йола юкь-мортиг а, наьха йола дог-уйла а кхетадеш хилар.

Г1алг1ай мотт 1омабеш дешархой дешай боарам совбаккхар а да ч1оаг1а маъхе. Дешай боарам совбаларца керда дешаш берий лексике хуле, цар торо лургья дешархошта х1ара денна йоазув-дешар 1омадара даъкъе т1ехдика хила. Юххьанцарча классий дешархой лексика боарам 3000 гаргга дош хила деза, царех 600 дош карадерзаду цар 1-ча классе, 700-шолг1ача классе, 800-3-чу классе, 850-4-чу классе. Хьехархочо ший ло1ама цар боарам совбоаккхаш х1ара классе юкъедоаладе тарлу кхы а 50-70 дош.

Уж дешаш карадерзадаъ д1ахьо цар лексически цхьа ма1ан хилар а дайзе, омонимаш, синонимаш, антонимаш довзийтарца, дешхьалхений, суффиксий г1онца керда дешаш кхолларца.

Дешархошта бовзийт деша фонетически, морфологически оттам, цар 1омаду къамаъла доакъош а, цар грамматически категореш а, предложене чу цу къамаъла доакъош кхоачашду синтаксически г1улакх а. Лексически а, грамматически а даъкъе дешаш карадерзадар диъ шера д1ахьо.

Грамматически а, орфографически а материал программа юкъе йоалаъ я х1ара т1айоаг1ача классе шеръяра, к1оаргъяра, чоалха яккхара хьисапе.

Мотт 1омабара а къамаъл кхедара а г1улакх кхоачашдеш я самукъадоаккхаш, еша дог доаг1а тексташ а упражненеш а.

Барта, дувцара къамаъл кхедар хила деза дешархой язде 1омалуча хана а, грамматикех бола хоамаш царна бовзийташ а, язье тексташ оттаеш а, упражненеш кхоачашъеш а. Х1ара урока берий йистхилар алсам хила деза: хаттараш деш, царна жоп луш, шоаех лаъца дувцаш, в1аши къамаъл деш, хьехархочунца юкъ-моттиг лелаш, дийшачун чулоацам хьабувцаш.

Дешай ма1ана, дешаш нийса д1аалара, нийса яздара болх беш хилар маъхала да. Белгалыъча темах, суртах, дувцарах лаъца дувцара, хаттара, айдара, т1адожара предложенеш, тексташ, диалогаш оттае 1омаде деза бераш.

Дешара предмет 1омаяра жам1аш

Юххьанцара ишкол чакхъяккхача дешархочунна г1алг1ай метта программа караерзаяъ ховш хила дезар:

-г1алг1ай мотт а, пачхьалкхен мотт а, гонахъара вахар довзара а г1ирс хиларах кхеташ хилар;

-ишколе а вахаре а г1алг1ай мотт харах пайда эца хьинар хилар;

-г1алг1ай мотт а, къаман культура а, эздиг хилар а цхьатарра ларх1а дезарах кхеташ хилар;

-тайп-тайпарча хьалашка ший нийсархошца а боккхийчарца а юкъ-моттигаш лелае хар карадерзадар.

Юххьанцарча ишколе г1алг1ай мотт 1омабара метапредметни жам1аш:

-хозаш дола къамаъл цхьатарра т1алацар (боккхийчар а, ший нийсархоша оалар а, берий радиопередачашка, аудиозаписешка, кхыча хоамий технологий кепашка хазар);

-дешаш, дешдоакъош, оазаш, предложенеш д1аала а, оттае а карадийрза хилар;

-белгалыъча темах диалог оттаде, дизза а, лоацца а хаттарашта жопаш дала а, диалог д1айолае а, чакхъяккха а дог дар карадерзадаъ хилар;

- кийчо яъ а, йоацаш а, кхеташ, сиха къоастадеш дешар, текст лоацца а, хоржаш а юха хьаювца 1омадаъ хилар;

-хьехархочун новкъосталца а ше а орфографически а, пунктуационни а бокъонаш лоръеш балхаш кхоачашде хар ховш хилар;

-ше язбаъ болх тахка а, г1алг1ай меттах шийна ховчох вокха предметашца дустарца анализ е хар а карадерзадаъ хилар;

-ишколе а, ишкола арахъа нийсархошка а, боккхийчарга а йистхила хар карадерзадаъ хилар.

Юхъанцарча ишколе г1алг1ай мотт 1омабара предметни жам1аш:

-ладувг1а ховш хилар: дувчачун чулоацамах а кхеташ, къамаъл хазара хъисапел1алацар;

-г1алг1ай метта фонетически система йовзаш хила езар: мукъа а, мукъаза а алапаш а, оазаш а къестас, дешаш доакъошта декъа а, оазаш ала а ховш хилар;

-ший метта йоаца (г1аййцача дешашка мара ца лела) оазаш а, оазий цхъанкхетараш а довза а, нийса хъаала а ховш хилар;

- дешаш, цар грамматически формаш а йовзаш, уж мишта хъахиннад а, царех предложенеш в1ашаг1йохка а, къамаълах пайда эца а ховш хилар;

-нийса яздара бокъонаш йовзаш хилар: доккха алап, дешдоакъошца дош сехъадаккхар, сецара хъаракаш;

-текст доакъоеш екъа а, царна ц1ераш тахка а, план оттае а, х1аман, сурта куц-кеп довзийта а ховш хилар;

-мотт къаман культура цхъа дакъа а, уйлан г1ирс а, паччахъалкхен мотт а хиларах кхеташ хилар.

Дешара предмета чулоацама маъха оаг1онаш:

Юхъанцара ишкол чакхъаьккхача дешархой программа караерзайича хила деза жам1аш:

- дешархо къаман г1улакхаи эделаи г1акхийна хилар;

* дезала вахар довзаш хилар;

* ший къаман культура а, бусулба дин а довзаш хилар;

- Росси пачхъалкхен гражданин ше волга ховш хилар;

- дешархочун оамалаш, декхараш кхийна хилар: урока, урокал арахъа а.

Дешара плана юкъе г1алг1ай метто д1алоаца моттиг.

Программа оттаяьй юхъанцара юкъарадешара пачхъалкхен дешара стандарта буха г1а, базисни дешара плана г1алг1ай метта луш йолча торонашца нийсьеш. Г1алг1ай мотт хъехара башхо белгалъаьккха тематически планашка хъежжа.

2 классе 2021-2022 шера дешар хъехара балха программа

Д1акхетора каъхат.

Программа оттаяьй ФГОСа компоненташца ювзаяь, г1алг1ай мотт хъехара Г1алг1ай республика дешара министерство хетаяьча хъокхама программа хъежжа 2 класса г1алг1ай мотт хъехара долча дешара книжках. Книжка чулоацам оттабаьраш: К.А.Гагиев, Н.Д.Котиева, Оздоев, А.О. Мальсагов. Арахийцад книжка тоа а даь кхозлаг1а 2009 шера «Сердало» яхача издательство-205 оаг1ув.

Юхъанцарча классашка дешара урокаш хъехаш болча хъехархошта хъалхашка доккхий а бехктохкаме а декхарац латт: дешархой шаьра, нийса, кхетадеш, къоастадеш

деша 1омабар; дешара книжкаш т1арча произведеней чулоацам бовзийтар а цар керттера уйла йовзийтар а.

2 класса дешара книжка чулоацам 10 разделах, дакъах латт:

Гуйра- 7 сахъат ;

Вай Даъй-мохк-4 сахъат ;

Берий вахар- 9 сахъат ;

Вай доттаг1ех-хъайбаех- 11 сахъат;

1а - 6 сахъат;

Болх- йоккха г1озале - 4 сахъат;

Дувца вай ноаноех лаъца- 3 сахъат;

Б1аъсти- 6 сахъат;

Халкъа кхоллам - 15 сахъат ;

Халкъа беламе дувцараш-1 сахъат.

Эрсий йоазонхой произведенеш юкъеяхъара ма1ан да г1алг1аи эрсии литература в1аши ювзаря, метта к1оаргалонаш, хозал тахкар, шинна метта безам т1абахийтар, сага кхетаме мел лоарх1аме да цу литература чулоацамо хъехар берашта д1ахайтар.

Программа лерх1ам ба:

- дешархой 1омабе шаъра, кхетам болаш, оаз тоаеш тайп-тайпара тексташ еша;

-дешара безам т1абахийтар, ч1оаг1бар, книжка дезадалийтар, из харжа а шоаш деша а хар;

-художественни х1ама довзара безам кхебар, произведенеш ешаш дешархоша шоашта хетар дувцар, хъагойтар, оазаца а дешашца а сурташ дехкар;

-доттаг1алах, дикалах, эзделах, бакъдарах кхетам шербар, г1алг1ай литература езаялийтар, цун чулоацамца дешархой дика оамалаш кхеяр.

Дешара ларда сурт-сибат.

- Ладувг1а хар, шийга дувцар нийса кхетадар, хаттарашта жоп дала хар, текста чулоацам арг1-арг1аг1а хургболаш д1анийсбе хар.

- Сабаре, дешдоакъошца дешарца шаъра, кхетаме дешара д1ат1авалар, нийса, б1арчча дешашца, ч1оаг1а деша хар. Т1ехъ-т1ехъаг1а сихлуш деша хар.

Литература хара пропедевтика.

-Тайп-тайпара уйлаш йола предложенеш текст йоацалга а, текст сенах оал а хар. Текста чулоацам а керттера уйла а дешархочоа шийна хъаала хар.

- Текста чулоацам хъабувцар, дешалехъа сюжета чу хетаргахъа дувцаргдар е хургдар хъаала хар.

-Дешархошта хъехархочун новкъосталца ха деза текста юкъера синонимаш, антонимаш, эпитеташ хъалеха.

Байта а проза а чулоацам в1аши биста, тайп-тайпара жанраш йовза.

Дешархой кхоллама болх.

-Йовхъамех дешар, хъхьокхар, багах а дешашца а сурт дилар, тоае езаца текстаца тайп-тайпара болх бе хар, шера ханашка хъежжа, 1алама хъал довзаш хила.

2 класса дешархочун ховш хила дезачун ларда эшамаш.

Дешар.

Уйла т1айохийташ, нийса, б1арчча дешашца дешара т1авалар. **1 ахшера** ч1оаг1ача оазаца ца йовза текст ешаш 40-50 дош а кхы а дукхаг1а а деша.

2 ахшера дешар кхетадеш, нийса, оаз а тоаеш, б1арчча дешашца, эша сихал а ч1оаг1ал а йолаш ца йовза текст ешар 55-60 дош, кхы а дукхаг1а дешар.

Дешархошта ха деза:

- дешачун тиллача ц1ера уйла е, цун чулоацамцара бувзамах, кертера уйла, цун къайлаг1а дола ма1ан малаг1а да, шоай ц1и тилла;

- произведене ц1ерага а сурташка а хъежжа дувцаргдар фуд хар;

-кертера дешаш хъалеха, хъехархочун хаттарашта жоп дала ха;

-жоп ч1оаг1деш чулоацам чура эша предложенеш хъалехар;

-шоаш текста доаг1а хаттараш оттаде;

-текст доакъошта екъа, шоаш цу доакъошта ц1и тилла;

-текста кертера уйла хъаала, из текста ц1ераца ювзае;

-произведенешка бувцача турпалхоех шоашта хетар дувцар, дийшачох шоашта хетар хъаалар, кортрбар;

- чулоацам нийса а дукха х1ама юкъе ца дуташ а хъадувца;

- текста дешаш а предложенеш а юкъейоалаеш хоржаш деша;

- байташ а з1амига дакъылгаш а дагахъа 1омаде, эшача тайпара сиха, оаз тоаеш, ч1оаг1а, текстага хъежжа;

-тайп-тайпара литературни жанраш шоайла къоастае ха (дувцар, фаьлг, байт, к1оанолг, шира дувцар, ховли-довзали, кица, дагардерг, илии, кх. д1. а).

Метапредметни

Регулятивни УУД

- Хъехархочунца дешара т1адуллар оттаде, урока лерх1амга хъежжа. Деша дешара лерх1амашка хъежжа.

- Массанеца цхъана урока план оттае ха, произведени чулоацам хъабувцара план оттае ха. Планага хъежжа беш бола болх тахкар, баъча балха корта бар, мах бар, иштта кхыча дешархой балха мах бар.

- ЗIамигача тоабаца е шинне цхъана болх беш, кердача темах ховр а, де ховр а хъакьоастадар. Урок йодаш беча балхах раъза хилар е ца хилар дIаяздар, лакхача говзала тIакхувш хилар хъахьокхар.

- Ше баъча балха раъза хилар е ца хилар дешархочо ший лоIамагIа хъаалар, урока карах ца доалача хIама теркам бар, из тоадара болх бе лерхIам дагалацар.

Познавательни УУД.

- Текста тохкам бе ха, хъехархочо хаттарашца новкъостал а деш. Деша къайла маIан ха, из тахка.

-Произведенеш шоайла йиста, вIашкаоттае, юкъарадар а тарадоацар а хъаоалаш.

-Дийшачун дакъа диста мукъама е илии дакъаца, е суртаца, е кицаца.

-Произведени турпалхочо дечун бахъан тахкар. Шийна хетачун, ше яхачун доагIа масалаш доаладе, даържа дувзаденна къамаьл де.

- ГIалгIай фаьлгаш кхоллара лерхIам ха, цар лу пайда, цар лерхIам ха.

- Поэзи а проза а шоайла къоастае ха, литературнии Iилман кхетам балара тексташи санна.

- Кхоллама навикаш хъахьокхар, тайп-тайпара произведенеш дагалувцаш, проектни тIадулларах кхоачашдеш.

-Дешашдар кхетаде, дийшар лоацца таблица чу а схема чу а дIаязде ха.

Коммуникативни УУД.

-Дувцара къамаьл оттаде, урока болх беш кадай хила, хаттараш тела. Диалогe, тоабах болх беш дакъа лаца. Шийна бакъахъа хетар чIоагIдеш, кхычарца къамаьл де хар.

- Темага хъежжа 5-6 предложенех дувзаденна къамаьл оттаде. Проекта 1-2 слайд кхолла. Кхычунга ладувгIа ха, къовсама юкъе дакъа лаца.

-Произведени урпалхочо даьчун мах бе, эзди дешашца къамаьл де.

- Кхыча дешархой урока баъча балха мах бе ха, оттаяьча критерешца.

- Барт бара кийча хилар хъахьокхар, къовсам, дов е цатоам дIабаккхара тайп-тайпара вариациеш йоалае ха.

- Боккхийчарца къамаьл деш, книжкаши, дошлоргаши, энциклопедеши дешаш кердадар, пайдабар леа.

-Йоккха йоаца презентаци (5-6 слайд дола) боккхийчар новкъосталца кийчъяр, проекта темага хъежжа, слайдашка хъежжа темах лаьца лоацца дувца.

Личности.

- Художественни произведени ешарца дезала юкьера безама керттера хьал хар (барт хилар, сий дар, безаме, кьахетаме, в^лаши новкьостал деш хилар)
- Ше ваьнна моттиг ховш хила, ше малаг^ла этносаца лоарх^лаш ва ха. Кхыча кьамех цар сий деш кьамаьл дар.
- Кхыйола култураш а, кьамаш а долга ховш хилар, дикаг^ла довзачарех хьадувца ха, култураца е динаца шоай култура е дина таракетараш хьаала хар (нохчий, татараш, ларбий, сирийцаш, кх. д^ла а).
- Юкьа а ца лелхаш, кхычунга ладувг^ла ха, ший уйла сатийна д^лаалар, тайп-тайпара аргументаш а йоалаеш. Дешархой в^лаш кьовсам балара бахьанаш ха.
- Ц^лаг^ла а классе а книжкаш дешара т^лакхувш хилар хьахьокхар, библиотеке ахар, мукьа волча хана, урока эша материал кийчяр.
- Йозонхой кхолламах ха безам болаш хилар хьахьокхар, шийна эггара ч^лоаг^лаг^ла безачар ц^лараш яха хар, безара бахьан а хьаалар.
- Литературни кхоллама болх шийна эшаш болга хар.
- Ишколе вахара бокьонаш йовзар, цар дешархочоа луп айда малаг^ла ба хар. Дикача дешархочун масалаш доаладе йийшача произведени юкьера.
- Сага новкьостал доацаш ше болх бе ховш хила, ше даьчо жоп дала дезалга ховш хила.
- Поэтически деша хозал ховш хила, йозонхочо дешашца сурт дулаш доаладаь дешаш хьалаха ховш хила. Хозахийта дешаш а эпитеташ а шоай кьамаьла юкьедоаладар.
- Эзделаца дар доацар ховш хила, литературни турпалхоехи эздийча сагахи йоакха оамалаш хьаювцаха, г^лулакхаца дар доацар кьоастаде ха.
- Дешаш а яз деш а нийса ваг^лараи б^ларгий са толха ца дараи йоаг^ла бокьонаш ховш хила. К^лаьдвалар д^ладоаккхаш е еза упражненеш йовзаш, уж еш хила. Саг унахц^лена хилара бокьонаш ц^лаг^ла а накьайоалаш лелае ха.

3 класе 2021-2022 дешара шера г1алг1ай мотт хъехара балха программа

Д1акхетора каъхат.

Программа оттаяй 1класа г1алг1ай мотт хъехара долча книжкага хъежжа. Книжка чулоацам оттабаъраш: Гандалоева А. З., Оздоев Р. И., Патиев С. У. Арахийцад книжка тоа а даъ диазлаг1а 2013 шера Магас г1алара «Сердало» яхача издательство-184 оаг1ув.

Г1алг1ай метто, эрсий метто санна, метта 1илман дакъа а ший ма1анна а йоккха моттиг д1алоац. Цун дешарца а кхетамца а бераш кхедара доккха практически ма1ан да. Наъна метто юкъелоац дешархой патриотизма а, кхыча къамашца 1имерза а, эзди а хилара уйлашца кхетадеш кхедара маъхала таронаш.

Школе наъна мотт 1омабара керттера 1алошонаш я дешар дика ховш дешархой кийчбар, багах деча, йоазон а къамаълах а кхоачам болаш, пайда эца ховш уж кийчбар. Программа ФГОСаца ювзаяъ я. Из лаърх1а я к1ира 3 сахъат г1алаг1ай мотт хъехаш йолча учебни планаца кхоачашъе. Шера 102 сахъат хул.

Программа лерх1амаш да:

- дешархошта шоай наъна мотт безалургболча тайпара дешара болх дика оттабе;
- орфографехи, пунктуациехи, морфологехи, фонетикахи кхетам бала;
- метта 1илам 1омаде, г1алг1ай меттах бола кхетам шербар, к1оаргбар;
- г1алат ца деш йоазув де, сочинени, изложени язъе бераш 1омаде;
- дешара кхетам лакхбе, 1омадаъ ховр нийса д1аязде, ший уйлаш, шийна хетар, ховр дешархоcho нийса д1аяздергдолаш говзал кхеяр.

Программа чулоацам шера ба. Укх юкъе я фонетика, графика, йоазув, дешар, орфоэпи, орфографи, деша оттам. Урока чулоацама юкъе, тар ма лу, дешара а воспитательни лоарх1ам бола материалаш яхийтай. Уж дукхаг1ьяраш г1алг1ай багахбувцама юкъера, художественни произведенеш т1ара я. Книжка курс кхаъ разделах латт: шоллаг1ча класе дийшар кердааккхар (оазаш, алапаш, предложени, керттера, керттерза маъженаш), деша оттам, къамаъла доакъош.

Грамматика хъаькъехъа кхоачаш де деза декхараш:

- 1) оазех, алапех кхетам балар;
- 2) орфографически минимум лакхъяр;
- 3) предложени керттера маъженаш йовзийтар;
- 4) къамаъла доакъош довзийтар;
- 5) дувзаденна къамаъл шаърдар;
- 6) кхоллама балхаш увттаде 1омабар:
 - а) сочинени миниатюра;
 - б) изложени-зарисовка;
 - в) суртах лаьца дувцар оттадар;
 - г) кцах лаьца сочинени-миниатюра язъяр.

4 класе 2021-2022шера дешар хъехара балха программа

Д1акхетора каъхат.

Программа оттаяй ФГОСа компоненташца ювзая, г1алг1ай мотт хъехара Г1алг1ай республика дешара министерство хетаяьча хьокхама программа хъежжа 4 класе г1алг1ай мотт хъехара долча дешара книжках. Книжка чулоацам оттабаьраш: К.А.Гагиев, Н.Д.Котиева, Оздоев, А.О. Мальсагов. Арахийцад книжка тоа а даь кхозлаг1а 2009 шера «Сердало» яхача издательство-205 оаг1ув.

Юхьанцарча классашка дешара уроках хъехаш болча хъехархошта хьалхашка докхий а бехктохкаме а декхаращ латт: дешархой шаьра, нийса, кхетадеш, кьоастадеш деша 1омабар; дешара книжкаш т1арча произведеней чулоацам бовзийтар а цар керттера уйла йовзийтар а.

4 класе дешара книжка чулоацам 10 разделах, дакъах латт:

Гуйра- 7 сахьат ;

Вай Даьй-мохк-4 сахьат ;

Берий вахар- 9 сахьат ;

Вай доттаг1ех-хьайбаех- 11 сахьат;

1а - 6 сахьат;

Болх- йоккха г1озале - 4 сахьат;

Дувца вай ноаноех лаьца- 3 сахьат;

Б1аьсти- 6 сахьат;

Халкъа багахбувцам - 15 сахьат ;

Халкъа беламе дувцараш-1 сахьат.

Эрсий йоазонхой произведенеш юкьеяхьара ма1ан да г1алг1ай эрсии литература в1аши ювзаяра, метта к1оагалонаш, хозал тахкар, шинна метта безам т1абахийтар, сага кхетаме мел лоарх1аме да цу литература чулоацамо хъехар берашта д1ахайтар.

